

Февраль

19/1 Преподобного Макария Великого, Египетского (390-391).

Тропарь, глас 1

Кӧргыштет Юмым нумалше Макарий ачана, тый ир мландыште илыше, капет дене Суксо да чудым ыштыше лийынат. Пӱтым кучен, йӱд-кече кумалын, пылпомышысо куатым налынат. Черле-влакым да тый декет ӱшанен толшо-влакын чоныштым эмлет. Тыланет пентгыдылыкым Пуышылан чап, тыйым венец дене Сӧрастарышылан чап, тыйын гоч чылаштлан пареммашым Кондышылан чап лийже.

Кондак, глас 4

Юмылан йӧрышӧ Макарий, ача-влакын ачашт, Господь тыйым Шке пӧртыштыжӧ чытымашын чынже да тӱня тӱр марте волгалтарыше чын шӱдыр семын ончыктен.

Величание

Поро пиалан улметым моктена, Юмылан йӧрышӧ Макарий ачана, тыйым пагален шарнена, вет тый монах-влакым виктарыше да суксо-влак дене мутланыше улат.

20/2 Преподобного Евфимия Великого (473).

Тропарь, глас 4

Такыр ир мланде, йывырте, черланыдыме, шке порылыкетым ончыкто, вет духовный илышым кычалше ача тыланет шочшо-влакым шукемден, нуным сай койыш-шоктышаным куштен, чытымыж дене порылык кӱкшытыш шуын. Тудын сӧрвалымыж дене, Христос Юмо, мемнан илышнам тынысландаре.

Кондак, глас 8

Юмылан йӧрышӧ ачана, чапланен шочметлан чыла чонан куанен, тыйым порын шарныше-влак чудо-шамычетын порылыкыштым налыт. Мемнан чонланат тудым чаманыде пу, сулыкнан лавыражым эрыкте, да ме мурена: Аллилуия.

Величание

Поро пиалан улметым моктена, Юмылан йӧрышӧ Евфимий ачана, тыйым пагален шарнена, вет тый монах-влакым виктарыше да суксо-влак дене мутланыше улат.

21/3 Преподобного Максима исповедника (662).

91 № Тропарь, глас 8

Чын ӱшанымашке виктарыше, поро койыш-шоктышлан да яндарлыклан туныктышо, сандалыкын волгыдыжо, архиерей-влакын Юмын пуымо сылнылыкше, кугу уш-акылан Максим, шӱм-чонын семӱзгарже, тый туныктымашет дене чыла волгалтаренат, мемнан чоннам утарыже манын, Христос Юмым сӧрвале.

Кондак, глас 6

Поро пиалан Максим, тыйын чонышкет Кумытло Волгыдо шынген да Юмын чынжым уло тӱнялан ончыкташ ойырен налме ате улметым палдарен.

Тўнгалтышдыме да Эре улшо Святой Троице нерген умылен мошташ лийдыме шонымашым тый чыла раш умылтаренат.

Величание

Поро пиалан улметым моктена, Юмылан йёрышö Максим ачана, тыйым пагален шарнена, вет тый монах-влакым виктарыше да суксо-влак дене мутланыше улат.

22/4 Апостола Тимофея (ок.96).

Тропарь, глас 4

Апостол Тимофей, поро койыш-шоктышлан тунемын да шкендым шот дене кучен, священникын вургемжым яндар чон дене чиенат, ойырен налме ате гыч каласен мошташ лийдымым кошталынат, ўшанымашым пенгыдын шуктен, моло апостол-влак дене төр каенат. Мемнан чоннам утарыже манын, Христос Юмым сөрвале.

Кондак, глас 1

Юмын тунемшыжым, апостол Павел дене пырля коштшо Тимофейым да Персиде гыч шүдыр семын волгалтше ушан Анастасийым, мемнан шүм-чон осалнам да капкыл чернам корандышым, пырля моктена.

Величание

Тыйым моктена, тыйым моктена, Христосын апостолжо Тимофей, Христосын Поро Увержым шарымет годсо орланымет ден пашатым пагален шарнена.

23/5 Священномученика Климента, епископа Анкирского (312).

Тропарь, глас 4

Священный ачана, Юмылан йёрышö вондо, орланымашын укшыжо, священный пеледыш ден Юмын пуымо саска, тый ўшаныше-влаклан эре пеледалтше пуалтынат. Орланыше-влак дене пырля орланен, священник-влак дене пырля престол ончылно шоget. Мемнан чоннам утарыже манын, Христос Юмым сөрвале.

Кондак, глас тойже

Кугун орланыше, чылан моктымо Климент, тый Христос пушенгын ик укшыжо лийынат да орлыкым чытыше-влак дене пырля муренат: Христос Юмо, Тый йёсланыше-влакын волгыдо куанышт улат.

Величание

Тыйым моктена, тыйым моктена, священномученик Климент, да тыйым пагален шарнена, вет тый мемнан верч Христос Юмынам сөрвалет.

24/6 Блаженной Ксении Петербургской (XIX).

Тропарь, глас 7

Поро пиалан Ксения авана, Христос йорлылыкым йоратыметлан кызыт курымашлык кочкыш дене чонет кандарет, шкендым ораде гай ончыктен, тўнян ушдымылыкшым почынат, чыла йёсылыкым ўнышын чытен, Юмын вийже дене пенгыдемынат, сандене чудым ыштен кертме моштымашым налынат. Языкнам

касарымына дене Христос Юмо мемнам чыла осал деч утарыже манын, Тудым сөрвале.

Кондак, глас 3

Поро пиалан Ксения авана, святой Петрын олаже таче волгыдын куана, кумалметлан ўшанен, ойганыше шуко ег поро лыпланымашым налеш, вет тый тиде олан моктымашыже да пенгыдылыкше улат.

Величание

Тыйым моктена, тыйым моктена, святой поро пиалан Ксения авана, да тыйым пагален шарнена, вет тый мемнан верч Христос Юмынам сөрвалет.

25/7 Святитель Григория Богослова, архиепископа Константинопольского (389).

Тропарь, глас 1

Юмо нерген туныктымo күтүчө шиялтышет мастарын ойлен моштышо-влакын төтретпучыштым сенен, вет тудо шүм-чон келгытыш шуын да тыйын увертарыметлан порылыкым ешарен. Григорий ачана, мемнан чоннам утарыже манын, Христос Юмым сөрвале.

Кондак, глас 3

Чот чапле ачана, мастарын ойлен моштышо-влакын вапшыштым тый Юмын пуымо шомакет дене сененат, Православийын Пылпомышто куымо вургемже дене Черкым сөрастаренат, тудым нумалын, мемнан дене, шке шочшыжо-влак дене мура: Юмо нерген туныктымашын тўналгышыже, куане.

Величание

Тыйым моктена, тыйым моктена, святитель Григорий ачана, да тыйым пагален шарнена, вет тый мемнан верч Христос Юмынам сөрвалет.

Тропарь новомученикам Российским, глас 4

Руш Черке таче куанен йўклана, аваже шке шочшыжо-влакым моктымo семын, новомученик ден исповедник-влакым мокта, Юмо ваштареш кредалме жапыште Христослан ўшаныме верч шке илышыжым пуышо да чын верч шке вўржым йоктарыше святитель ден иерей, царственный страстотерпец, порын ўшаныше князь ден княгиня, Юмылан йөрышө пөръен ден ўдырамаш да чыла православный христиан-влакым чапландара. Кужун чыгыше Господь, нунын кумалмышт дене мемнан элым курым мучко Православийыште кучо.

Кондак, глас 3

Российын новомученикше-влак таче Юмын Пача ончылно ош вургем дене шогат да суксо-влак дене пырля Юмылан сенгымаш мурым мурат: мемнан Юмылан курым-курымеш суапландарымаш, чап, кугу уш-акыл, моктымаш, пагалымаш, куат да пенгыдылык лийже. Аминь.

Величание

Тендам моктена, тендам моктена, Российысе святой новомученик ден исповедник-влак, тендан чот жаплыме орланымыдам пагалена, тудым те Христос верч чытенда.

26/8 Преподобных Ксенофонта, супруги его Марии и сыновей их Аркадия и Иоанна (V-VI).

27 № Тропарь, глас 4

Мемнан ачана-шамычын Юмыжо, мыланна эре Шке ўнгышылыккет почеш ыштыше улат. Шке чаманымашетым мемнан деч ит коранде, святой-шамычын кумалмышт дене илышнам тынысын виктаре.

Кондак, глас тойже

Илышын тенгыз толкынжо деч корангын, чын илыше Ксенофонт шке пагалыме пелашыже да шочшыжо-влак дене пырля Пылпомышто Христосым моктен йывырта.

Величание

Поро пиалан улмыдам моктена, Юмылан йӧрышӧ Ксенофонт, Мария да шочшыжо-влак, тендам пагален шарнена, вет те монах-влакым виктарыше да суксо-влак дене мутланыше улыда.

27/9 Перенесение мощей Иоанна Златоуста (438).

Тропарь, глас 8

Тыйын умшатын тул гай волгалтше порылыкшо сандалыкым волгалтарен; тый тўнялан оксам йӧратымашым огыл, а вес поянлыкым погенат, ўнгышылыкын уш-акыл кўкшытшым ончыктенат. Иоанн Златоуст ачана, шкендын шомакет дене туныктен, мемнан чоннам утарышаш верч Христос Юмым, Юмын Шомакым, сӧрвале.

Кондак, глас 1

Иоанн Златоуст ачана, тыйын пагалыме мощетын пӧртылымжлан святой Черке ӧрыктарышын куана, тудым чот шергакан шӧртньӧ гай поген пыштен да моктен мурышо-влаклан тыйын кумалмет дене пареммашын порылыкшым чаманыде пуа.

Величание

Тыйым моктена, тыйым моктена, святитель Иоанн ачана, да тыйым пагален шарнена, вет тый мемнан верч Христос Юмынам сӧрвалет.

28/10 Преподобного Ефрема Сирина (373-379).

51 № Тропарь, глас 8

Ефрем ачана, шинчавўд йогынет дене ир мландым нӧртенат да чот ойгырен шортмет дене паша саскатым шўдӧ пачаш шукемденат, чудо-влакет дене волгалтын, сандалыкым волгалтарыше лийынат, мемнан чоннам утарыже манын, Христос Юмым сӧрвале.

Кондак, глас 2

Преподобный Ефрем ачана, лўдыкшӧ Суд лийшаш шагатшым эре шарнен, чот шортынат, тымыкым йӧратен, туныктымо пашам чот тыршен ыштенат. Тынысым йӧратыше ача, тый його-влакымат сулык верч ӧкынаш таратет.

Величание

Поро пиалан улметым моктена, Юмылан йӧрышӧ Ефрем ачана, тыйым пагален шарнена, вет тый монах-влакым виктарыше да суксо-влак дене мутланыше улат.

29/11 Перенесение мощей священномученика Игнатия Богоносца (107).

64 № Тропарь, глас 4

Юмылан йөрүшө священномученик Игнатий, койыш-шоктышет дене апостол да нунын престолыштым кучышо лийынат, пашат дене ужмаш кўкшытыш шуынат, сандене мутын чынжым раш увертарен, ўшанымаш верч вўр марте орланенат. Мемнан чоннам утарыже манын, Христос Юмым сөрвале.

Кондак, глас тойже

Юмым нумалше Божественный Игнатий, эрвел гыч таче волгалтын, туныктымашет дене чыла чонаным Юмын шомак дене волгалтаренат да орланымаш дене сылнештынат.

Величание

Тыйым моктена, тыйым моктена, священномученик Игнатий, да тыйым пагален шарнена, вет тый мемнан верч Христос Юмынам сөрвалет.

30/12 Собор вселенских учителей и святителей Василия Великого (379), Григория Богослова (389) и Иоанна Златоуста (407).

Тропарь, глас 4

Койыш-шоктышда дене апостол-влак гай да тўнян туныктышыжо-влак, чыла Кучен Ашнышым сөрвалыза: тўнялан тынысым да мемнан чонлан кугу чаманымашым пужо.

Кондак, глас 2

Юмо нерген умылтарыше священный туныктышет-влакым, Господь, Тый Шкендын порылыкетын куанышкыже да шыпышкыже налынат. Вет Шке святоет-влакым чапандарыше Тый Икте улат, нунын пашаштым да колымыштым чыла саска дечат кугулан шотленат.

Величание

Тендам моктена, тендам моктена, кугу святитель Василий, Григорий ден Иоанн, да тендам пагален шарнена, вет те мемнан верч Христос Юмынам сөрваледа.

**31/13 Безсребреников мучеников
Кира и Иоанна и иже с ними (311).**

Тропарь, глас 5

Икте Поро да Айдемым йөратыше Христос Юмо, орланышет-влакын чудым ыштымыштым Тый мыланна чоткыдо пырдыж семын пөлекленат. Чын Юмым палыдыме-влакын осал канашыштым Тый нунын кумалмышт дене шалате, святой Черкетым пентгыдемде.

Кондак, глас 3

Юмын пуымо ушан святой Кир ден моктымо Иоанн, те Юмын порылыкшо деч чудым ыштен кертме куатым налында, өрыктарыше пашам чарныде ыштен, чыла сулыкнам шке кидда дене шинчалан койдымын керде семын руэда, те вет Юмын эмлызыже улыда.

Величание

Тендам моктена, тендам моктена, чудым ыштыше моктымо Кир ден Иоанн, тендан чот жаплыме орланымыдам пагалена, тудым те Христос верч чытенда.

1/14 Предпразднство Сретения Господа Бога и

Спаса нашего Иисуса Христа.

Тропарь, глас 1

Пылпомышысо суксо-влакын кавасе погынжо мландымбак волен да чыла чонан деч ончыч Шочшо Юмым, Аза семын Толшым, черкышке Яндар Аван нангайымыжым онча: пайрем лишемшаш мурым мемнан дене пырля нунат куанен мурат.

Кондак, глас 6

Ачаж дене Юмо-Шомак ужаш лийдыме лийын, а ынде Яндар Ёдыр дечын умылаш лийдымын кап дене шочын да святительын шонго кидышкыже пуалтеш. Тудлан, мемнан Чын Юмыланна, кумалына.

2/15 Сретение Господа нашего Иисуса Христа.

Тропарь, глас 1

Юмым Шочыктышо Поро Пүрымашан Ёдыр, йывырте, Чынын Кечыже Христос Юмына Тыйын көргет гыч волгалтын, пычкемыште улшо-шамычым волгалтарен. Поро шонго кугыза, тят куане, мемнан чоннам утарышым, ылыж кынешашым пуышым, ондалын кидышкет налынат.

Кондак, глас 1

Христос Юмо, Шкендын шочмет дене Яндар Ёдырын көргыжым святитленат да Симеонын кидшым күлеш семын ончылгоч суапландаренат. Икте Айдемым Йоратыше, кызатат Тый мемнам утаренат, тыгак ылышысе вашижмашым тынысландаре.

Тропарь, глас 1

Юмын шочмо поро пүрымашан Ёдыр, йывырте, Кече гай чын Христос Юмына Тыйын көргет гыч волгалтын, пычкемыште улшо-шамычым волгалтарен. Поро шонгыен, тят куане, мемнан чоннам утарышым, ылыж кынешашым пуышым, шкендын кидышкет ондалын налынат.

Кондак, глас 1

Христос Юмо, Шкендын шочмет дене Яндар Ёдырын көргыжым святитленат да, шижтарен, Симеонын кидшым күлеш семын суапландаренат. Икте Айдемым йоратыше, кызатат Тый мемнам утаренат, тыгак ен-шамыч кокласе умылдымашым пытаре

Тропарь, глас 1

Юмын шочмо поро пүрымашан Ёдыр, йывырте, Кече гай чын Христос Юмына Тыйын көргет гыч волгалтын, пычкемыште улшо-шамычым волгалтарен. Поро шонгыен, тят куане, мемнан чоннам утарышым, ылыж кынешашым пуышым, шкендын кидышкет ондалын налынат.

Кондак, глас 1

Христос Юмо, Шкендын шочмет дене Яндар Ёдырын көргыжым святитленат да, шижтарен, Симеонын кидшым күлеш семын суапландаренат. Икте Айдемым

йөратыше, кызытат Тый мемнам утаренат, тыгак ен-шамыч кокласе умылыдымашым пытаре да йөратен налме калыкетым пенгыдемде.

3/16 Попразднство Сретения Господня.

Тропарь праведному Симеону Богоприимцу, глас 4

Шонго Симеон таче кидышкыже Азам, курым дечат ожно улшо Юмым, налын да куана, капын кепшылже деч чонжым утараш йодын сөрвала: тўнялан ямдылыме утарымашетым мыйын шинчам ужо.

Кондак, глас тойже

Шонгыен таче кидышкыже Христосым, Пўрышым да Господьым, кучен да, тиде пытышаш илышын кепшылже деч чонжым утараш манын, Тудым сөрвала.

Величание

Тыйым моктена, тыйым моктена, Юмым кидышкет налше чын илыше святой Симеон, да тыйым пагален шарнена, вет тый мемнан верч Христос Юмынам сөрвалет.

4/17 Преподобного Исидора Пелусиотского (ок. 436-440).

49 №, Тропарь, глас 8

Преподобный Исидор ачана, мыланна Юмын пуымо тўс тый денет тўрыс аралалтын: вет шке Ыресетым налын, тый Христос почеш каенат да, пытышаш капын коранден, колыдымо чон верч тыршаш пашат дене туныктенат, сандене тыйын шўлышет Суксо-влак дене пырля куана.

Кондак, глас 4

Чот моктымо ачана, Черкылан тый вес эр шўдыр лийынат, мутетын волгенчыже дене волгалтын, тудо тылат мура: Юмын пуымо ушан поро пиалан Исидор, куане.

Величание

Поро пиалан улметым моктена, преподобный Исидор ачана, тыйым пагален шарнена, вет тый монах-влакым виктарыше да суксо-влак дене мутланыше улат.

5/18 Мученицы Агафии (251).

76 №, Тропарь, глас 4

Иисус, Тыйын Агафия пачат кугу йўкын ўжеш: Качем, Тыйым йөратем, Тыйым кычалын орланем да пудалалтам, Тыйын пуымо Тынеш пурымаште тоялтам, Тый денет ушнымаште кугыжаланаш манын, Тылат верч орлыкым чытем, да Тый денет пырля илаш манын, Тыланет верч колем, Тыланет йөратен кондымо яндар надыр семын мыйым нал. Тудын сөрвалымыж дене, Чаманыше Юмо, мемнан чоннам утаре.

Кондак, глас тойже

Орланыше Агафиян яндар вўрешыже нўртымў чапле вургем дене Черке таче тек сылнештеш да мура: Катан олан моктымашыже, куане.

Величание

Тыйым моктена, тыйым моктена, Христосын чот орланышыже Агафия, тыйын чот жаплыме орланыметым пагалена, тудым тый Христос верч чытенат.

6/19 Преподобного Вукола, епископа Смирнского (ок.100).

43 №, Тропарь, глас 4

Вашталташ лийдыме Чынлык тыйым шке күтүэтлан ұшанымашын корным, ұнышылыкын түсшым да языкыш пурыде илаш туныктышым ыштен, сандене тый ұнышылыккет дене – күшнысым, йорлылыккет дене поянлыкым погенат. Преподобный Вукол ачана, мемнан чоннам утарыже манын, Христос Юмым сөрвале.

Кондак, глас 2

Святой Троицылан чот йөрышө кугу святитель Вукол, Юмын күдырчыжө, шұлышын пучшо, ұшанымашым шарыше да шоя туныктымашым пытарыше, тый суксо-влак дене пырля Юмо ончылно шогымет годым мемнан верч чарныде кумал.

Величание

Тыйым моктена, тыйым моктена, святитель Вукол ачана, да тыйым пагален шарнена, вет тый мемнан верч Христос Юмынам сөрвалет.

7/20 Преподобного Парфения, епископа Лампсакийского (IV)

46, 54 №, Тропарь, глас 4

Мемнан ачана-шамычын Юмыжо, мемнам шке ұнышылыккет дене кучен ашныше, шке чаманымашетым мемнан деч ит коранде, святой-шамычын кумалмышт дене илышнам тынысын виктаре.

Кондак, глас 3

Юмын пуымо ушан священный Парфений ачана, шке көргыштет Юмым нумалше чудотворец, ұшаныше-влакын сулыкыштым эрыктен, осал шұлыш-влакым поккен колтенат. Юмын порылыкшылан өрыктарышын служитлыметлан тыйым моктен мурена.

Величание

Тыйым моктена, тыйым моктена, святитель Парфений ачана, да тыйым пагален шарнена, вет тый мемнан верч Христос Юмынам сөрвалет.

8/21 Великомученика Феодора Стратилата (319).

Тропарь, глас 4

Чот орланыше Феодор, сарзе-влакым чын вуйлатен, Пылпомышысо Кугыжалан йөрышө воеводо лийынат. Тый ұшанымашын саркуралжым моштен кучылтшо, ия тўшкам сўмырал кертше да сенгымашым кондышо орланыше улат, сандене тыйым ұшан дене моктена.

Кондак, глас 2

Орланыше-влак коклаште кугурак Феодор, лүддымө чонетым ұшанымаш дене вўдылын, Юмын мутшым кидышкет умдо семын налын, тушманым сененат. Святой-влак дене пырля мемнан верч Христос Юмым эре сөрвале.

Величание

Тыйым моктена, тыйым моктена, чот орланыше Феодор, тыйын чот жаплыме орланыметым пагалена, тудым тый Христос верч чытенат.

9/ 22 Мученика Никифора, из Антиохии Сирской (ок.257).

57 №, Тропарь, глас 4

Господь, Тыйын орланышет Никифор индыралтмыж верч Тый дечет, мемнан Юмына деч, курымашлык венецым налын: орландарыше-влакым Тыйын пуймо виет дене сұмырал шуэн да ия-влакын тептердыме ўчыштым шалатен. Тудын молитваже дене мемнан чоннам утаре.

Кондак, глас 1

Никифор ачана, йөратымаш кыл дене ушналтын, тый ужмышудымашын осалжым сененат, керде дене руал пуштмышт дене тый капым налше Утарыше Юмын орланышыже лийынат. Тыйым моктен мурышо-влак верч Тудым сөрвале.

Величание

Тыйым моктена, тыйым моктена, чот орланыше Никифор, тыйын чот жаплыме орланыметым пагалена, тудым тый Христос верч чытенат.

10/23 Священномученика Харалампия, епископа Магnezийского и иже с ним (202).

Тропарь, глас 4

Кугу уш-акылан, поро пиалан Харалампий, тый Христос Черкын ойырен налме менгыже да сандалыкын эре волгалтарыше тулжо лийынат, орланымет дене тўнялан волгалтын, идол-влакын осал пычкемышыжым шалатенат да Христос ончылно шогаш йөренат. Мемнамат утарыже манын, Тудым сөрвале.

Кондак, глас 8

Священствын порылыкшо дене сөрастаралтше кугун пагалыме Харалампий, тый, Юмын пуймо орланымаш дене Черкым волгыдын сылнештарен, Христос верч индыралтмым лўддымын да куанен чытен, уло тўням волгалтарыше да сенаш лийдыме чын волгыдо лийынат.

Величание

Тыйым моктена, тыйым моктена, священномученик Харалампий ачана, да тыйым пагален шарнена, вет тый мемнан верч Христос Юмынам сөрвалет.

11/24 Священномученика Власия, епископа Севастийского (ок.316).

64 №, Тропарь, глас 4

Юмылан йөрышө священномученик Власий, койыш-шоктышет дене апостол да нунын престолыштым кучышо лийынат, пашат дене ужмаш кўкшытыш шуынат, сандене мутын чынжым раш увертарен, ўшанымаш верч вўр марте орланенат. Мемнан чоннам утарыже манын, Христос Юмым сөрвале.

Кондак, глас 2

Көргыштет Юмым нумалше Власий ачана, Юмын кушкылжо да эре пеледше пеледышыже, Христос пушенгын чот орланыше ик укшыжо, тыйым пагален шарныше-влакым шке йывыртымашет дене теме да мемнан верч чарныде кумал.

Величание

Тыйым моктена, тыйым моктена, священномученик Власий ачана, да тыйым пагален шарнена, вет тый мемнан верч Христос Юмынам сөрвалет.

12/25 Иверской иконы Божией Матери (IX).

Тропарь, глас 1

Юмым Шочыктышо, Кучен Ашныше Ёдыр, Тый декет ўшанен да йөратен толшо-влаклан Тыйын святой юмогат деч пареммаш да польш тичмашын пуалтеш.

Поро Яндар Ёдыр, тыгак мый декем, черле деке, толын, Шке порылыкет дене капем паремде да чонем серлаге.

Кондак, глас 8

Юмым Шочыктышо Ёдыр, Тыйын святой юмонгатым тушман деч арален кодаш манын, ик тулык вате тудым тенгызыш колтен да Тыйын иконет Афоним да Иверский монастырьын Капкажым Аралыше, тушман-шамычым лудыктышо да православный Российыште Тыйым пагалыше-влакым чыла ойго да орлык гыч утарыше лийын.

Величание

Тыйым моктена, Юмын ойырен налме Эн Яндар Ёдыр, да ушан дене толшо-влаклан пареммашым пуышо Святой юмонгатым жаплена.

13/26 Преподобного Мартиниана (V).

Тропарь, глас 8

Поро пиалан ачана, алгаштарымашын тулжым шинчавуд йогынет дене йортенат, тенгызын толкынжым да янлык-влакын шыдыштым сорлыклен, Юмылан ойленат: мыйым тул да тутан деч утарыше Юмо Чыла Кертше да моктымо.

Кондак, глас 2

Сай койыш-шоктышым ончыктышо, шке кумылын орланыше пагалыме Мартинианым, ир мландыште илышым да кишкым сенышым, чот моктен мурена.

Величание

Поро пиалан улметым моктена, преподобный Мартиниан ачана, тыйым пагален шарнена, вет тый монах-влакым виктарыше да суксо-влак дене мутланыше улат.

14/27 Преподобного Авксентия (ок.470).

50 №, Ин тропарь, глас 4

Коргыштет Юмым нумалше Авксентий ачана, тый ир мландыште илыше, капет дене Суксо гай да чудым ыштыше лийынат. Путьым кучен, йуд-кече кумалын, молитвам лудын, пылпомышысо суапым налынат. Тый черле-влакым да тый декет ушанен толшо-влакын чоныштым эмлет. Тыланет пенгыдылыкым Пуышылан чап, тыйым венец дене Сорастарышылан чап, тыйын гоч чылаштлан пареммашым Кондышылан чап лийже.

Кондак, глас 2

Юмын пуымо ушан священный Авксентий ачана, шкендым кучымаш дене пенгыдемын, капкылын йодмыжым сорлыкленат, ушанымаш дене волгалтын, рай покшелне улшо сад гай пеледалтынат.

Величание

Поро пиалан улметым моктена, преподобный Авксентий ачана, тыйым пагален шарнена, вет тый монах-влакым виктарыше да суксо-влак дене мутланыше улат.

15/ 28 Апостола от 70-ти Онисима (ок.109).

37 №, Тропарь, глас 3

Святой апостол Онисим, мемнан чонлан сулык касарымашым пуыжо манын, чаманыше Юмым сорвале.

Кондак, глас 4

Моктымо Онисим, чот волгыдо Павелын тўням сотемдарыше кечыжын ўжараже дене тьят тўнялан волгалтарыше кечыйол лийынат, сандене тыйым жаплена.

Величание

Тыйым моктена, тыйым моктена, Христосын апостолжо Онисим, Христосын Поро Увержым шарымет годсо орланымет ден пашатым пагален шарнена.